



楞嚴經大勢至念佛圓通章疏鈔講義
十疑論勸發菩提心文徹悟禪師法語

三寶弟子印贈

清浙水慈雲灌頂沙門續法集

大勢至菩薩念佛圓通章疏鈔

三寶弟子 敬印



普為捐資印贈輾轉流通傳閱
及普勸念佛行善者回向偈曰

願以此功德

莊嚴佛淨土

上報四重恩

下濟三塗苦

若有見聞者

悉發菩提心

盡此一報身

同生極樂國

歡迎翻印 輾轉流通

普勸念佛 功德無量

楞嚴經大勢至念佛圓通章疏鈔講義
十疑論勸發菩提心文徹悟禪師法語

著作者 清浙水慈雲灌頂沙門續法

印贈者 三寶弟子

佛曆二千五百四十五年

阿彌陀佛聖誕日恭印

敬請常念

南無阿彌陀佛 求生淨土

南無觀世音菩薩 消災免難

佛尼牟迦釋師本無南

毗盧遮那佛願力周沙界



一切國土中恒轉無上輪

西 方 三 聖 像

白毫宛轉紺目澄清萬德莊嚴微妙相



肉髻寶瓶花冠立佛三身乘願作慈航

清蓮宗十二祖紅螺資福徹悟大師



宋蓮宗七祖杭州 省常大師



目 錄

大勢至菩薩念佛圓通章疏鈔卷上	一
大勢至菩薩念佛圓通章疏鈔卷下	四七
大勢至菩薩念佛圓通章講義	九三
大勢至菩薩念佛圓通章跋	一四四
附覺明妙行菩薩開示上品念佛法語	一四六
略論安樂淨土義	一四九
五方便念佛門	一六三
<small>隋天台智者大師著</small>	
淨土十疑論	一七一
<small>隋天台智者大師著</small>	
清省庵法師勸發菩提心文	一九一
明天台山幽溪沙門傳燈述	二一〇

唐·五臺山竹林寺法照大師傳

二〇四

清·徹悟禪師法語

二二一

淨空法師法語

二七四

無際大師心藥方

二七五

保寧勇禪師示看經警策文

二七七

印造佛經佛像之十大利益

二七八

受持十念法至心求生淨土

二七九

念東高先生、千里東余。自謂年來一味淨土。娑婆境風浩浩。真如詰。草堂青、皆不免蹉跌。勉余留心此件。余偶舉示百亭法師。而法師先有勢至念佛章疏鈔、在余案頭。二人取卷重閱。盡然興嘆。謂高先生以身踐、為救時之藥語也。遂命兒子募資刻之。刻既竣。法師復謂余弁其首。余惟華嚴大經、德雲首宣念佛法門。馬鳴菩薩立論之祖。念佛與止觀並重。而《楞嚴》為禪性之書、然勢至念佛一章、列在圓通。禪宗下、不能抑蓮宗為非歸源見性之途也、明矣。今《彌陀疏鈔》、《龍舒淨土等文》、布在禪林。惟《勢至章》、僅附本經、而未有崇行之疏。法師詮文釋義、勒成一書。為震旦人、添一重往生舟筏。不可謂非淨土之功臣也、又明矣。遂以此意復高先生而繼之以臆說云。蓮師云：念一佛名、換彼百千萬億之雜

念也。即念即空、居然本體。非於念外、別得菩提。又云：執持名號、至於一心、則復還空寂之體。又云：當知淨土唯心、更無外境。自性還歸本體、是願生彼國義。如是則蓮師雖極力主張西方淨土、而不遺宗門見性之旨、彰彰如是矣。則謂見性為淨土指歸而淨土為見性入路、未相違也。見性則掉臂皆淨土、而蓮臺自不消說。不見性則淨土非了手。而種因要自不退。然則見性與不見性、而念佛修淨土、皆不可忽也。此義似本章所未及言。既以復於高、遂筆之此。以質諸真能念佛人、為何如也。

康熙庚申長至錢唐戴京曾書

大佛頂首楞嚴經大勢至菩薩念佛圓通章

唐天竺沙門般剌密帝譯

大勢至法王子、與其同倫、五十二菩薩、即從座起。頂禮佛足、而白佛言。
我憶往昔、恒河沙劫。有佛出世、名無量光。十二如來、相繼一劫。其最後佛、名超日月光。彼佛教我、念佛三昧。譬如有人、一專為憶、一人專忘。如是二人、若逢不逢、或見非見。二人相憶、二憶念深。如是乃至從生至生、同於形影、不相乖異。十方如來、憐念衆生。如母憶子。若子逃逝、雖憶何為。子若憶母、如母憶時。母子歷生、不相違遠。若衆生心、憶佛念佛。現前當來、必定見佛。去佛不遠。不假方便、自得心開。如染香人、身有香氣。此則名曰：香光莊嚴。我本因地、以念佛心、入無生忍。今於此界、攝念佛人、歸於淨土。佛問圓通、我無選擇。都攝六根。淨念

相繼。得三摩地。斯為第一。

《楞嚴經》云：佛告阿難。若復有人、身具四重十波羅夷。瞬息即經此方他方阿鼻地獄。乃至窮盡十方無間。靡不經歷。能以一念將此法門、於末劫中開示未學。是人罪障、應念銷滅。變其所受地獄苦因、成安樂國。則此章經、誠為銷罪之巨冶、愈病之靈丹、修心之捷徑、求生之要術也。若能常持、無苦不除。無樂不與。無願不遂。無果不得。凡見聞者、宜三復焉。

日誦式

人有三等。一者極閑人。應當晝夜六時、持經念佛。二者半閑半忙人。應當每日晨昏二時、一心持念。三者極忙人、應當每日晨朝一時、專心持念。誦持之式、先本師三稱。次舉勢至章一遍。往生咒三遍。讚佛偈一遍。

佛名百聲千聲萬聲隨意。三菩薩名每各十聲。後發願回向偈一遍。未誦前、已誦後、俱要對聖像前、合掌三禮。如無佛像、對經、對空禮拜亦可。果能如此常行無間、佛必哀憐。凡有求願、無不遂者。臨命終時、佛與聖衆、放光接引、徑生極樂矣。行者當生信願、切勿疑忽。此明每日經佛並舉式也。若單佛名。極閑者、除六時外、應當時刻念佛無間。半閑半忙者、應當營事已畢、即便念佛。極忙者、應當忙裏偷閑、十念念佛。此方名為不虛度也。盡此一生、一日無有暫廢。則自念佛心口、當必成佛心口。經云：行與佛同、受佛氣分。入如來種、親為佛子。不其然哉。

南無本師釋迦牟尼佛

（三稱。次舉勢至章畢。接往生咒）

南無阿彌多婆夜、哆他伽哆夜、哆地夜他、阿彌利都婆毗、阿彌利哆、悉耽婆毗、阿彌利哆、毗迦蘭諦、阿彌利哆、毗迦蘭哆、伽彌

膩、伽伽那、枳多迦隸、娑婆訶

《不思議神力傳》云：『持咒之法、淨身漱口、燃香佛前、晝夜六時、各誦二十一遍。能滅五逆謗法等罪。誦滿三十萬遍、即見阿彌陀佛』。《彌陀疏鈔》云：『若有善男子、善女人、能誦此咒者。阿彌陀佛常住其頂。日夜擁護。無令怨家而得其便。現世常得安隱。臨命終時、任運往生』。

次舉讚佛偈

阿彌陀佛身金色

相好光明無等倫

白毫宛轉五須彌

紺目澄清四大海

光中化佛無數億

化菩薩衆亦無邊

四十八願度衆生

九品咸令登彼岸

南無西方極樂世界大慈大悲阿彌陀佛

(百千萬聲隨意)

南無觀世音菩薩 南無大勢至菩薩 南無清淨大海衆菩薩(各十稱)

後舉發願回向偈

我今稱念阿彌陀。真實功德佛名號。惟願慈悲哀攝受。證知懺悔及所願。
往昔所造諸惡業。皆由無始貪瞋癡。從身語意之所生。一切我今皆懺悔。
願我臨欲命終時。盡除一切諸障礙。面見波佛阿彌陀。即得往生安樂刹。
願以此功德。莊嚴佛淨土。上報四重恩。下濟三途苦。若有見聞者。悉發
菩提心。盡此一報身。同生極樂國。十方三世一切佛。一切菩薩摩訶薩。

摩訶般若波羅蜜。(一遍。此當對佛跪念。念畢起身。三禮而退。)

偈云：一日無常到。方知夢裏人。萬般將不去。唯有業隨身。如何是
萬般將不去。官爵財寶、屋宅田園、衣服飲食、乃至嬌妻愛子、無常到來、

都是將不去者。如何是唯有業隨身。人生所造貪、瞋、癡、慢、五逆十惡。惡業。戒、定、慧、施、五戒、十善。善業。無常到來、盡皆緊隨你者。《楞嚴》云：『臨命終時、未捨煖觸、一生善惡、俱時頓現。惡者、便感三途苦報。善者、便感人天樂報。若善心中、兼有信、願、念佛求生、便現極樂佛土境相』。《行願品》云：『是人終時。一切諸根、悉皆散壞。一切親屬、悉皆捨離。一切威勢、悉皆退失。象馬車乘、珍寶伏藏、無復相隨。唯此願王、於一切時引導其前。一剎那中、即得往生極樂世界。見彌陀佛、及諸聖衆』。既然如是、何不趁此強健之時、努力勤修。善導云：『假饒金玉滿堂。難免衰殘老病。恁汝千般快樂。無常終是到來。惟有徑路修行。但念阿彌陀佛』。設待臨終方悔、悔之於後、將何及乎。奉勸諸人、及時修進。生死事大、無常迅速。慎勿以此為分外也。勉之勉之。

又淨業人、備三資糧。一者信、信輪迴最苦。信念佛最妙。信此土修